

Zeitschrift: Nebelspalter : das Humor- und Satire-Magazin
Band: 88 (1962)
Heft: 45

Rubrik: Am Hitsch si Mainig

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 31.12.2024

ETH-Bibliothek Zürich, E-Periodica, <https://www.e-periodica.ch>



Um Gitsch si Mainig



Je lengar je mee khamman im Radioo khööra: zPolizeikhommando Aswoo tailt mit: Varmist wird dar Peetsch Sowiso, viarzähajöörig, Schüalar, hätt Bluetschiins aa und a Läädarjagga, langi Hoor und schpitzigi Schnääbal, hätt dar Paß bej sich und a Transischtora-

Radioo. Sachdianlihi Mittailiga an da nöggшти Polizejposchta.

Dia Mäldig isch in dar Ortnigg. As isch au rächt, wenn in da Zit-tiga an entschprähhandi Mäldig ärschiint. Wenn abar inara Taagas-zittig a langa Briaf an däa Lusbuab apruckht wird: Liaba Peetsch, khumm doch widar hai. As söll Diar gäär nüüt passiarä, miar hend Dii alli so gäära, sogäär dar Jugandaawalt und dia ganz Redak-zioon (as hätt in demm offna Briaf nu no gfäält, daß dinna gschtandan isch: Du tarfsch Diini Mama ruahig witar haur und zKhalb isch schu gschlachtat ..) Also, asoona Briaf isch noch miinara Mainig khompleet faltsch. Warum, säbb khanni gad bewiisa. Nochdemm dä Briaf ärschinnan isch, hätt ai dri-zäähajöörigs Maitli zum andara gsaid: Au du, dar Peetsch, däa hätt denn dar Plausch. Khumm, miar haur and au ap! Und si hend aghaur. Und sind prompt viar Taag nohham Peetsch au im Radioo us-gruafa wordä. (I wetti nohhamool säaga, daß das, won i do gschribba

hann, nitt öppen ärfundan isch. Nai, as isch gnau asoo passiart!) Und denn wärdand dia Luusgoofan aswoo vu dar Polizej päckhlat und hai geschickht, und denn khömmand dia Schnuddargoofa widar in d Schual und schpiiland dött no dia grooßa Hirscha, und schu tenkhand a paar andari Goofa: Warum sölland miar nitt au abitz goo? As passiart aim joo gäär nüüt. Und


sötti öppa dar Lehrer miar a Schwinta häära haur – däa wird glatt iikhlagt, und vu jetz aa nimmi au khai Reklamazioona mee entgääga. Wenn dia blööda Schual-maischtar mainand, miar müassandi üüsari schlächta Khlausuura dahai untarschriiba loo, so gönd miar üüs bej ama Gmaindroot go beschwäära und dä said denn denna tumma Khöga schu, was zmahha hend ...



Der Druckfehler der Woche

Spricht man über Mädchen, so hört sich's an, als habe James sich nie für eines der kleinen Mannequins und Starlets in Sankt Moritz und Portofino interessiert, seine Tramfrau soll nämlich häuslich sein, wenn auch hübsch, natürlich: wahrscheinlich eine Mischung aus Glamour- und Carreegirl

Im «Burgdorfer Tagblatt» gefunden von M. S., Burgdorf



Bezugsquellennachweis: E. Schlatter, Neuchâtel